

D.R. 6/99

Naskhah Sahih—Bahasa Kebangsaan

RANG UNDANG-UNDANG

b e r n a m a

Suatu Akta untuk meminda Akta Cukai Jualan 1972.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Cukai Jualan (Pindaan) 1999.

(2) Akta ini hendaklah mula berkuat kuasa pada tarikh yang ditetapkan oleh Menteri melalui pemberitahuan dalam *Warta*, dan Menteri boleh menetapkan tarikh yang berlainan bagi peruntukan yang berlainan dalam Akta ini.

Pindaan seksyen 2

2. Akta Cukai Jualan 1972 [*Akta 64*], yang disebut "Akta ibu" dalam Akta ini, dipinda dalam seksyen 2 dengan memasukkan selepas takrif "pertukaran data elektronik" takrif yang berikut:

' "surcaj" ertinya apa-apa caj yang genap masanya dan kena dibayar di bawah seksyen 30(1B);'.

Pindaan seksyen 5

3. Seksyen 5 Akta ibu dipinda—

- (a) dalam nota birai, dengan memasukkan selepas perkataan "Kad kuasa" perkataan ", dll.";
- (b) dalam subseksyen (1), dengan menggantikan perkataan "apa-apa suratan yang menentukan pengenalannya mengikut sebagaimana yang diarahkan oleh Ketua Pengarah atau berkenaan dengan seorang Pegawai Polis, Ketua Polis Negara untuk dibawa oleh pegawai itu" dengan perkataan "lencana atau kad kuasa yang dia telah diarahkan supaya membawanya di bawah seksyen 9(1) Akta Kastam 1967"; dan
- (c) dalam subseksyen (2), dengan menggantikan perkataan "suratan pengenalannya" dengan perkataan "lencana atau kad kuasanya".

Pindaan seksyen 7

4. Seksyen 7 Akta ibu dipinda dengan memasukkan selepas subseksyen (2) subseksyen yang berikut:

"(3) Jika barang-barang dikilang bagi pihak mana-mana pembekal barang-barang kena cukai daripada barang-barang kena cukai yang dibekalkan olehnya dan barang-barang yang dikilang sedemikian dikembalikan kepada pembekal barang-barang kena cukai itu, maka nilai jualan barang-barang yang dikilang sedemikian boleh, tertakluk kepada kelulusan Ketua Pengarah, merupakan amaun yang dikenakan oleh pengilang itu bagi kerja yang telah dilakukan olehnya."

Seksyen baru 12A

5. Akta ibu dipinda dengan memasukkan selepas seksyen 12 seksyen yang berikut:

“Arahan 12A. (1) Walau apa pun seksyen 12 dan 13, jika Ketua Pengarah berpuas hati bahawa apa-apa pengasingan aktiviti perniagaan adalah dibuat-buat, dia boleh membuat suatu arahan di bawah seksyen ini yang mengarahkan bahawa orang-orang yang dinamakan dalam arahan itu hendaklah dianggap sebagai orang kena cukai tunggal yang m e n j a l a n k a n aktiviti perniagaan yang diperihalkan dalam

arahan itu dan orang kena cukai tunggal itu tidak boleh terus menjalankan aktiviti perniagaan itu melainkan jika dia dilesenkan dalam masa dua puluh satu hari dari tarikh arahan itu disampaikan kepada yang terakhir daripada kalangan orang itu atau dari tarikh yang terkemudian sebagaimana yang boleh dinyatakan dalam arahan itu.

(2) Bagi maksud subseksyen (1), dalam menentukan sama ada mana-mana pengasingan aktiviti perniagaan adalah dibuat-buat, hendaklah diambil kira setakat manakah orang-orang yang berlainan yang menjalankan aktiviti perniagaan itu berkait rapat antara satu sama lain melalui hubungan kewangan, ekonomi dan organisasi.

(3) Ketua Pengarah boleh membuat arahan di bawah seksyen ini yang menamakan mana-mana orang jika Ketua Pengarah berpuas hati—

- (a) bahawa orang itu mengilang atau telah mengilang barang-barang kena cukai;
- (b) bahawa aktiviti yang dalam perjalanannya orang itu mengilang atau telah mengilang barang-barang kena cukai itu menjadi hanya sebahagian daripada aktiviti tertentu dalam perniagaan itu dan bahawa aktiviti lain dalam perniagaan itu (sama ada atau tidak aktiviti itu serupa dengan aktiviti yang dijalankan oleh orang itu) sedang dijalankan serentak atau sebelumnya, atau kedua-duanya, oleh seorang orang lain atau lebih; dan
- (c) bahawa jika semua barang-barang kena cukai yang dikilangkan dalam perniagaan itu diambil kira, orang yang menjalankan perniagaan itu akan, pada masa arahan itu, dikehendaki supaya dilesenkan oleh sebab seksyen 13.

(4) Mana-mana arahan yang dibuat di bawah seksyen ini hendaklah disampaikan kepada tiap-tiap orang yang dinamakan dalam arahan itu.

(5) Jika, selepas suatu arahan telah diberikan di bawah seksyen ini yang menyatakan perihal perniagaan itu, tampak pada Ketua Pengarah bahawa mana-mana orang yang tidak dinamakan dalam arahan itu sedang mengilang barang-barang kena cukai dalam perjalanan aktiviti yang patut dianggap sebagai sebahagian daripada aktiviti perniagaan itu, Ketua Pengarah boleh membuat dan menyampaikan kepada orang itu suatu arahan tambahan yang merujuk kepada arahan yang sebelumnya dan perihal perniagaan yang dinyatakan dalamnya, dan menambahkan nama orang itu kepada nama orang yang dinamakan dalam arahan yang sebelumnya mulai dari—

- (a) tarikh orang itu mula mengilang barang-barang kena cukai itu; atau
- (b) jika tarikh arahan sebelumnya adalah lebih kemudian daripada tarikh yang disebut dalam perenggan (a), tarikh yang mulai darinya orang kena cukai tunggal yang disebut dalam arahan sebelumnya itu dilesenkan di bawah subseksyen (1).

(6) Jika, sebaik sebelum mana-mana arahan (termasuk arahan tambahan) dibuat di bawah seksyen ini, mana-mana orang yang dinamakan dalam arahan itu dilesenkan berkenaan dengan barang-barang kena cukai yang dikilangkan olehnya sebagaimana yang disebut dalam subseksyen (3) atau (5), lesennya hendaklah dibatalkan oleh Ketua Pengarah mulai dari—

- (a) tarikh orang kena cukai tunggal itu dilesenkan di bawah subseksyen (1); atau
- (b) apa-apa tarikh yang lebih kemudian sebagaimana yang boleh dinyatakan dalam arahan itu,

dan apabila lesennya dibatalkan dia bersama dengan semua orang yang dinamakan dalam arahan itu hendaklah dianggap sebagai orang kena cukai tunggal di bawah seksyen ini.

(7) Berhubung dengan sesuatu perniagaan yang dinyatakan dalam sesuatu arahan di bawah seksyen ini, orang yang dinamakan dalam arahan itu bersama dengan mana-mana orang yang dinamakan dalam suatu arahan

tambahan yang berhubungan dengan perniagaan itu (sebagai orang yang bersama-sama dianggap sebagai orang kena cukai tunggal) adalah dalam subseksyen (8) dan (9) disebut sebagai "anggota konstituen".

(8) Jika apa-apa arahan dibuat di bawah seksyen ini, maka bagi maksud Akta ini—

- (a) orang kena cukai tunggal yang menjalankan perniagaan yang dinyatakan dalam arahan itu hendaklah dilesenkan dengan nama yang dinamakan oleh orang-orang dalam arahan itu secara bersesama melalui notis bertulis yang diberikan kepada Ketua Pengarah tidak lewat daripada empat belas hari selepas tarikh arahan itu disampaikan kepada yang terakhir daripada kalangan orang itu atau, jika penamaan itu tidak dibuat, dengan nama sebagaimana yang boleh dinyatakan dalam arahan itu;
- (b) mana-mana barang-barang kena cukai yang dikilangkan oleh salah seorang daripada anggota konstituen dalam perjalanan aktiviti orang kena cukai tunggal itu hendaklah dianggap sebagai barang-barang kena cukai yang dikilangkan oleh orang kena cukai tunggal itu;
- (c) setiap anggota konstituen hendaklah bertanggungjawab secara bersesama dan berasingan bagi apa-apa cukai jualan yang kena dibayar oleh orang kena cukai tunggal itu;
- (d) tanpa menjejaskan perenggan (c), apa-apa kegagalan oleh orang kena cukai tunggal itu untuk mematuhi apa-apa kehendak yang dikenakan oleh atau di bawah Akta ini hendaklah dianggap sebagai kegagalan oleh setiap anggota konstituen secara berasingan; dan
- (e) tertakluk kepada perenggan (a) hingga (d), anggota-anggota konstituen hendaklah dianggap sebagai suatu perkongsian yang menjalankan perniagaan orang kena cukai tunggal itu dan apa-apa persoalan tentang ruang lingkup aktiviti perniagaan itu pada bila-bila masa hendaklah ditentukan dengan sewajarnya.

(9) Jika tampak pada Ketua Pengarah bahawa mana-mana orang yang merupakan salah seorang anggota konstituen tidak patut lagi dianggap sedemikian bagi maksud subseksyen (8)(c) dan (d) dan Ketua Pengarah memberikan notis yang bermaksud sedemikian, orang itu tidaklah lagi mempunyai apa-apa tanggungan oleh sebab subseksyen itu bagi apa-apa jua yang dilakukan selepas tarikh yang dinyatakan dalam notis itu dan dengan yang demikian pada tarikh itu dia hendaklah dianggap sebagai telah berhenti menjadi anggota perkongsian yang disebut dalam subseksyen (8)(e).”.

Pindaan seksyen 13A

6. Seksyen 13A Akta ibu dipinda—

- (a) dalam subseksyen (3), dengan menggantikan perkataan "atau, 18" dengan perkataan "atau 17a, atau 18"; dan
- (b) dengan memasukkan selepas subseksyen (3) subseksyen yang berikut:

"(4) Sebelum membatalkan sesuatu lesen di bawah subseksyen (2), Ketua Pengarah hendaklah menyampaikan suatu notis pembatalan lesen kepada orang yang kepadanya lesen telah dikeluarkan dan lesen itu adalah batal mulai dari tarikh yang dinyatakan dalam notis itu.

(5) Sebelum membatalkan sesuatu lesen di bawah subseksyen (3), Ketua Pengarah hendaklah menyampaikan suatu notis kepada orang yang kepadanya lesen telah dikeluarkan yang memberitahunya tentang pembatalan yang dicadangkan dan memberinya peluang untuk membuat representasi mengenai perkara itu.

(6) Jika Ketua Pengarah berpuas hati, selepas menimbangkan representasi seseorang yang dibuat di bawah subseksyen (5) bahawa lesen orang itu patut dibatalkan, dia hendaklah menyampaikan suatu notis pembatalan lesen pada orang itu yang memberitahunya bahawa lesennya adalah batal mulai dari tarikh yang dinyatakan dalam notis itu."

Seksyenbaru17A

7. Akta ini dipinda dengan memasukkan selepas seksyen 17 seksyen yang berikut:

1 7 A . (1) Tertakluk kepada subseksyen (2), bagi maksud ^{invois} ^{melalui} ^{komputer} mana-mana peruntukan di bawah Akta ini berhubung dengan invois, seseorang orang kena cukai hendaklah dianggap telah mengeluarkan suatu invois kepada seseorang pembeli walaupun tiada apa-apa dokumen yang bersamaan dalam bentuk kertas telah diserahkan kepada pembeli itu jika maklumat yang dikehendaki telah dirakamkan dalam komputer dan—

(a) dihantar kepada pembeli dengan cara elektronik; atau

(b) dikeluarkan atas apa-apa bahan selain kertas dan diserahkan kepada pembeli itu.

(2) Tiada peruntukan berhubung dengan invois berkomputer boleh dianggap telah dipatuhi melainkan jika orang kena cukai dan pembeli itu—

(a) telah mendapat kelulusan Ketua Pengarah secara bertulis—

(i) untuk menghantar dokumen itu secara elektronik, atau untuk mengeluarkan dokumen itu dengan menggunakan komputer atas apa-apa bahan selain kertas dan untuk menyerahkan dokumen itu; atau

(ii) untuk menerima dokumen itu melalui penghantaran atau penyerahan itu,

tertakluk kepada syarat yang difikirkannya patut untuk dikenakan; dan

(b) mematuhi kehendak sebagaimana yang ditetapkan oleh Ketua Pengarah."

Pindaan seksyen 23

8. Seksyen 23 Akta ibu dipinda—

- (a) dalam subseksyen (1), dengan memasukkan selepas perkataan "penalti" perkataan "atau surcuj";
- (b) dalam subseksyen (2), dengan menggantikan perkataan "dan penalti" di mana-mana jua terdapat dengan perkataan ", penalti atau surcuj"; dan
- (c) dengan memasukkan selepas subseksyen (2) subseksyen yang berikut:

(3) Apa-apa penalti atau surcuj yang dikenakan di bawah Akta ini hendaklah, bagi
Akta 254 maksud Akta ini dan Akta Had Masa 1953, boleh didapatkan seolah-olah penalti atau surcuj itu ialah cukai jualan yang genap masanya dan kena dibayar di bawah Akta ini dan dengan yang demikian seksyen 6(4) Akta Had Masa 1953 tidaklah terpakai bagi penalti atau surcuj itu.

(4) Jika suatu invoice menunjukkan bahawa jualan barang-barang kena cukai telah berlaku dengan cukai jualan dikenakan atas barang-barang itu, maka hendaklah boleh didapatkan daripada orang kena cukai yang telah mengeluarkan invoice itu suatu amaun yang sama banyaknya dengan—

- (a) yang ditunjukkan dalam invoice itu sebagai cukai jualan; atau
- (b) sekian banyak daripada amaun keseluruhan yang ditunjukkan sebagai kena dibayar yang akan dikira sebagai merupakan cukai jualan, jika cukai jualan tidak ditunjukkan secara berasingan dalam invoice,

bagi jualan barang-barang kena cukai itu.

(5) Subseksyen (4) hendaklah juga terpakai jika—

- (a) invois itu, yang menyatakan suatu amaun yang berupa sebagai cukai jualan yang boleh dikenakan, bukan suatu invois yang dikeluarkan di bawah seksyen 17 atau 17A;
- (b) invois itu telah dikeluarkan oleh seorang yang bukan orang kena cukai dan yang telah menjual barang-barang kena cukai atau barang-barang tidak kena cukai yang baginya suatu amaun yang berupa sebagai cukai jualan telah dikenakan; atau
- (c) invois itu telah dikeluarkan oleh seseorang orang kena cukai yang telah menjual barang-barang yang tidak kena cukai yang baginya suatu amaun yang berupa sebagai cukai jualan telah dikenakan,

dan apa-apa amaun yang berupa sebagai cukai jualan hendaklah dibayar dengan serta-merta oleh orang itu dan, jika dia ingkar membayarnya, boleh didapatkan sebagai hutang sivil yang kena dibayar kepada Kerajaan."

Pindaan seksyen 24

9. Perenggan 24(b) Akta ibu dipinda dengan menggantikan perkataan "dua" dengan perkataan "sepuluh".

Pindaan seksyen 26

10. Seksyen 26 Akta ibu dipinda—

- (a) dengan menggantikan perkataan "tanggungannya cukai jualan telah dilakukan bagi sesuatu tempoh cukai" dengan perkataan "apa-apa cukai jualan, penalti atau surcaj adalah genap masanya dan kena dibayar";
- (b) dengan memotong perkataan "dalam tempoh cukai tersebut" dan "dalam tempoh cukai itu" di mana-mana jua terdapat;

Pindaan seksyen 30**13. Seksyen 30 Akta ibu dipinda—**

(a) dalam nota birai—

(i) dengan memasukkan selepas perkataan "cukai jualan" perkataan ", dll.,"; dan

(ii) dengan menggantikan perkataan "dipulangkan balik dengan salah" dengan perkataan "tersilap dipulangkan balik dan bayaran secara ansuran";

(b) dengan menggantikan subseksyen (1) dengan subseksyen yang berikut:

"(1) Jika—

(a) keseluruhan atau mana-mana bahagian daripada mana-mana cukai jualan, penalti atau wang lain yang kena dibayar di bawah Akta ini belum dibayar; atau

(b) keseluruhan atau mana-mana bahagian daripada mana-mana cukai jualan, penalti atau wang lain setelah dibayar telah tersilap dipulangkan balik,

maka, dengan syarat bahawa suatu tuntutan dibuat dalam masa tiga tahun dari tarikh cukai jualan, penalti atau wang lain itu kena dibayar, atau cukai jualan, penalti atau wang lain yang terkurang dibayar itu telah dibayar, atau bayaran balik itu telah dibuat, mengikut mana-mana yang berkenaan, orang—

(aa) yang bertanggung membayar—

(i) cukai jualan, penalti atau wang lain itu; atau

(ii) cukai jualan, penalti atau wang lain yang terkurang dibayar itu; atau

(bb) yang kepadanya pulangan balik itu telah tersilap dibuat,

hendaklah membayar cukai jualan, penalti atau wang lain, atau cukai jualan, penalti atau wang lain yang terkurang dibayar, atau membayar balik pulangan balik yang telah tersilap dibayar kepadanya itu, mengikut mana-mana yang berkenaan.";

(c) dengan memasukkan selepas subseksyen (1) subseksyen yang berikut:

"(1AA) Tanpa menjejaskan subseksyen (1), apa-apa barang kepunyaan orang yang disebut dalam subseksyen (1) yang mungkin berada dalam kawalan Eksais atau Kastam atau di suatu tempat atau tempat-tempat yang dinyatakan dalam lesen yang dikeluarkan di bawah seksyen 13 boleh disita sehingga cukai jualan, penalti atau wang lain, atau cukai jualan, penalti atau wang lain yang terkurang dibayar itu, telah dibayar, atau pulangan balik yang tersilap dibayar kepadanya itu dibayar balik.";

f d) dengan menggantikan subseksyen (1 A) dengan subseksyen yang berikut:

"(1A) Ketua Pengarah boleh membenarkan cukai jualan atau penalti yang disebut di dalam subseksyen (1) dibayar secara ansuran, dalam hal keadaan yang ditetapkan melalui peraturan-peraturan yang dibuat di bawah Akta ini, dalam amaun dan pada tarikh yang boleh ditentukan olehnya; dan jika amaun cukai jualan itu dibenarkan dibayar secara ansuran di bawah subseksyen ini, seksyen 24(b) tidaklah terpakai bagi amaun itu mulai dari tarikh Ketua Pengarah membenarkan pembayaran dengan ansuran itu.";

(e) dalam subseksyen (1B)—

(i) dengan menggantikan perkataan "ditambah dengan satu jumlah" dengan perkataan "dikenakan surcaj"; dan

(ii) dengan menggantikan perkataan "jumlah itu" dengan perkataan "surcaj itu";

(f) dalam subseksyen (1c), dengan menggantikan perkataan "cukai jualan tersebut" dengan perkataan "cukai jualan, penalti";

(g) dalam subseksyen (2) dan (3), dengan memasukkan selepas perkataan "cukai jualan" perkataan ", penalti"; dan

(h) dalam subseksyen (4)—

(i) dengan menggantikan perkataan "cukai jualan itu, apa-apa wang lain" dengan perkataan "cukai jualan, penalti atau wang lain";

Pindaan seksyen 43

17. Seksyen 43 Akta ibu dipinda—

(a) dalam perenggan (a)—

(i) dengan memasukkan selepas perkataan "seksyen 12," perkataan "atau seksyen 12A,"; dan

(ii) dengan memasukkan selepas perkataan "atau seksyen 17," perkataan "atau seksyen 17A,"; dan

(b) dengan memasukkan selepas perenggan (e) perenggan yang berikut:

"(ea) melanggar seksyen 63A(2);".

Seksyen baru 43A

18. Akta ibu dipinda dengan memasukkan selepas seksyen 43 seksyen yang berikut:

^{“Lari cukai jualan.} 43A. (1) Mana-mana orang yang dengan sengaja bertujuan hendak lari cukai jualan atau menolong mana-mana orang lain untuk lari cukai jualan—

(a) meninggalkan daripada suatu penyata yang dibuat di bawah Akta ini atau mana-mana peraturan yang dibuat di bawah Akta ini apa-apa maklumat yang berhubung dengan apa-apa perkara yang menyentuh amaun yang boleh dikenakan ke atasnya atau orang lain itu sebagai cukai jualan;

(b) membuat apa-apa pernyataan atau catatan palsu dalam mana-mana penyata, tuntutan atau permohonan yang dibuat di bawah Akta ini atau mana-mana peraturan yang dibuat di bawah Akta ini;

(c) memberikan apa-apajawapan palsu, sama ada secara lisan atau bertulis, kepada apa-apa soalan atau permintaan untuk mendapatkan maklumat yang ditanyakan atau dibuat menurut Akta ini atau mana-mana peraturan yang dibuat di bawah Akta ini;

- (d) menyediakan, menyenggarakan atau membenarkan penyediaan atau penyenggaraan apa-apa buku akaun palsu, invois palsu atau rekod palsu lain, atau memalsukan atau membenarkan pemalsuan mana-mana buku akaun, invois atau rekod; atau
- (e) menggunakan atau membenarkan penggunaan apa-apa tipuan, helah atau rekaan,

adalah melakukan suatu kesalahan terhadap Akta ini dan orang itu boleh didenda tidak melebihi lima puluh ribu ringgit atau dipenjarakan selama tempoh tidak melebihi tiga tahun atau kedua-duanya.

(2) Jika dalam mana-mana prosiding di bawah seksyen ini adalah dibuktikan bahawa suatu pernyataan palsu atau catatan palsu (sama ada secara peninggalan atau selainnya) telah dibuat dalam suatu penyata, tuntutan atau permohonan yang diberikan di bawah Akta ini atau mana-mana peraturan yang dibuat di bawah Akta ini oleh atau bagi pihak mana-mana orang, atau dalam mana-mana buku akaun, invois atau rekod lain yang disenggarakan oleh atau bagi pihak mana-mana orang, orang itu hendaklah dianggap, sehingga dibuktikan sebaliknya, telah membuat pernyataan atau catatan palsu itu dengan tujuan untuk lari cukai jualan.

(3) Sesuatu sebutan dalam seksyen ini tentang seseorang yang menggunakan apa-apa tipuan, helah atau rekaan, atau membenarkan penggunaan apa-apa tipuan, helah atau rekaan untuk lari cukai jualan termasuk sebutan tentang seseorang yang, tanpa kebenaran Ketua Pengarah—

- (a) memusnahkan, merosakkan, memadamkan atau dengan cara lain memanipulasikan data yang disimpan dalam, atau yang digunakan berkaitan dengan, suatu komputer;
- (b) memasukkan ke dalam atau merakamkan atau menyimpan dalam suatu komputer, dengan apa-apa cara, data bagi maksud—
 - (i) memusnahkan, merosakkan, memadamkan atau mengubah data lain yang disimpan dalam komputer itu; atau

(ii) mengganggu dengan, menyampuk atau menghalang penggunaan sah komputer itu, atau data yang disimpan dalam komputer itu; atau

(c) dengan cara lain menggunakan komputer,

yang tujuan atau akibatnya adalah untuk lari cukai jualan.

(4) Bagi maksud subseksyen (3), "data" termasuklah apa-apa program komputer atau sebahagian daripada suatu program komputer yang merupakan suatu program yang diluluskan oleh Ketua Pengarah untuk digunakan di bawah seksyen 17A atau 18, atau mana-mana peraturan yang dibuat di bawah Akta ini."

Penggantian seksyen 44

19. Akta ibu dipinda dengan menggantikan seksyen 44 dengan seksyen yang berikut:

'44. Jika mana-mana orang—

(a) membantu, menyubahati, menolong, mengapikan atau mendorong mana-mana orang lain untuk membuat atau membuat bagi pihak orang lain suatu penyata, akaun, pernyataan atau akuan yang tidak betul yang mengakibatkan cukai jualan terkurang dibayar oleh orang yang bertanggung membayar cukai itu; atau

(b) membantu, menyubahati, menolong, mengapikan atau mendorong mana-mana orang lain untuk melakukan suatu kesalahan di bawah seksyen 43,

orang yang mula-mula disebut adalah melakukan suatu kesalahan terhadap Akta ini dan boleh didenda tidak melebihi lima ribu ringgit atau dipenjarakan selama tempoh tidak melebihi dua belas bulan atau kedua-duanya."

Pindaan seksyen 57

20. Subseksyen 57(1) Akta ibu dipinda dengan menggantikan perkataan "satu" dengan perkataan "lima".

Seksyen baru 59A

21. Akta ibu dipinda dengan memasukkan selepas seksyen 59 seksyen yang berikut:

“perintah 59A. Jika mana-mana orang didapati bersalah atas suatu mahkamah. kesalahan di bawah seksyen 43 atau 43A, mahkamah yang mendapati orang itu bersalah hendaklah memerintahkan orang itu membayar kepada Ketua Pengarah amaun cukai jualan yang genap masanya dan kena dibayar, atau apa-apa penalti yang kena dibayar di bawah Akta ini, jika ada, sebagaimana yang diperakui oleh Ketua Pengarah dan cukai jualan atau penalti itu hendaklah boleh didapatkan dengan cara yang sama seperti suatu denda sebagaimana Akta 593. yang diperuntukkan di bawah seksyen 283 Kanun Tatacara Jenayah.”.

Pindaan seksyen 61

22. Seksyen 61 Akta ibu dipinda dengan memasukkan selepas perenggan (b) perenggan yang berikut:

"(ba) pengeluaran invoice dengan menggunakan komputer;

(bb) segala perkara yang berkaitan dengan nota kredit;".

Penggantian seksyen 62

23. Akta ibu dipinda dengan menggantikan seksyen 62 dengan seksyen yang berikut:

62. (1) Tiap-tiap notis, arahan atau dokumen lain yang dikehendaki oleh Akta ini supaya disampaikan kepada mana-mana orang boleh disampaikan—

(a) kepada diri orang itu; atau

(b) dengan menghantarnya kepada orang itu melalui pos berdaftar.

(2) Sesuatu notis, arahan atau dokumen lain yang dihantar melalui pos berdaftar kepada seseorang hendaklah

disifatkan telah disampaikan kepada orang itu pada masa ia sepatutnya telah diserahkan kepadanya dalam perjalanan biasa pos itu jika notis, arahan atau dokumen lain itu telah dialamatkan—

- (a) dalam hal suatu syarikat, firma atau persatuan orang—
 - (i) ke pejabat berdaftarnya;
 - (ii) ke alamatnya yang terakhir diketahui; atau
 - (iii) kepada mana-mana orang yang diberi kuasa olehnya untuk menerima penyampaian proses; dan
- (b) dalam hal orang perseorangan, ke alamatnya yang terakhir diketahui."

Pindaan seksyen 63

24. Seksyen 63 Akta ibu dipinda dengan memotong perkataan "atau firma" dan "atau seseorang anggota firma tersebut" di mana-mana jua terdapat.

Seksyen baru 63A

25. Akta ibu dipinda dengan memasukkan selepas seksyen 63 seksyen yang berikut:

“Penjalanan urusan bagi pihak orang kena cukai 63A. (1) Tertakluk kepada seksyen 63, tiada seorang Pun boleh menjalankan apa-apa urusan berhubung dengan Akta ini bagi pihak mana-mana orang kena cukai, kecuali tentang perkara-perkara yang berkaitan dengan—

- (a) pembayaran balik;
- (b) peremitan;
- (c) pengecualian; atau
- (d) apa-apa perkara lain sebagaimana yang diluluskan oleh Ketua Pengarah.

(2) Orang yang menjalankan urusan tentang mana-mana perkara yang dinyatakan dalam subseksyen (1J) bagi pihak seseorang orang kena cukai hendaklah—

- (a) mengemukakan surat kebenaran daripada orang kena cukai yang diwakilinya; dan
- (b) jika mana-mana borang yang ditetapkan dikehendaki supaya diserahkan bagi maksud perkara yang urusan tentangnya dijalankan, mengemukakan borang itu yang telah ditandatangani oleh orang kena cukai, melainkan jika dibenarkan selainnya oleh pegawai kanan kastam."

Pindaan seksyen 69

26. Seksyen 69 Akta ibu dipinda—

- (a) dalam subseksyen (1), dengan memasukkan selepas perkataan "berkenaan dengan syarikat itu" perkataan ", dan hendaklah membayar cukai jualan itu"; dan
- (b) dengan memasukkan selepas subseksyen (2) subseksyen yang berikut:

"(2A) Mana-mana penyelesaian hutang piutang yang tidak mematuhi subseksyen (1) adalah melakukan suatu kesalahan terhadap Akta ini dan boleh didenda tidak melebihi sepuluh ribu ringgit."

Pindaan seksyen 70

27. Seksyen 70 Akta ibu dipinda—

- (a) dalam subseksyen (1), dengan memasukkan selepas perkataan "perlantikan penerima itu" perkataan ", dan hendaklah membayar cukai jualan itu"; dan
- (b) dengan memasukkan selepas subseksyen (2) subseksyen yang berikut:

"(2A) Mana-mana penerima yang tidak mematuhi subseksyen (1) adalah melakukan suatu kesalahan terhadap Akta ini dan boleh didenda tidak melebihi sepuluh ribu ringgit."

HURAIAN

Rang Undang-Undang ini bertujuan untuk meminda Akta Cukai Jualan 1972 ("Akta 64").

2. *Fasal 1* bertujuan untuk mengadakan peruntukan bagi tajuk ringkas dan permulaan kuat kuasa Akta yang dicadangkan.

3. *Fasal 2* bertujuan untuk meminda seksyen 2 Akta 64 untuk memasukkan takrif "surcaj" ke dalam Akta itu.

4. *Fasal 3* bertujuan untuk meminda seksyen 5 Akta 64 untuk menghendaki seseorang pegawai cukai jualan mengemukakan apabila diminta sesuatu lencana atau kad kuasa yang dia telah diarahkan supaya membawanya di bawah subseksyen 9(1) Akta Kastam 1967.

5. *Fasal 4* bertujuan untuk memasukkan subseksyen baru 7(3) ke dalam Akta 64 untuk mengadakan peruntukan bagi nilai jualan barang-barang jika barang-barang itu dikilangkan bagi pihak mana-mana pembekal barang-barang kena cukai daripada barang-barang kena cukai yang dibekalkan oleh pembekal itu dan jika barang-barang yang dikilangkan sedemikian dipulangkan kepada pembekal itu.

6. *Fasal 5* bertujuan untuk memasukkan seksyen baru 12A ke dalam Akta 64 yang memperuntukkan bahawa jika Ketua Pengarah berpuas hati bahawa apa-apa pengasingan aktiviti perniagaan adalah dibuat-buat, dia boleh mengarahkan supaya orang yang dinamakan dalam arahan itu dianggap sebagai orang kena cukai tunggal.

7. *Fasal 6* bertujuan untuk memasukkan subseksyen baru (4) ke dalam seksyen 13A Akta 64 yang memperuntukkan bahawa sebelum Ketua Pengarah membatalkan sesuatu lesen di bawah subseksyen 13A(2), dia hendaklah menyampaikan suatu notis pembatalan lesen kepada orang yang kepadanya lesen telah dikeluarkan.

Fasal 6 juga bertujuan untuk memasukkan subseksyen baru (5) dan (6) ke dalam seksyen 13A Akta 64 untuk menghendaki Ketua Pengarah, sebelum dia membatalkan sesuatu lesen di bawah subseksyen 13A(3), membenarkan representasi dibuat oleh orang yang kepadanya lesen telah dikeluarkan. Jika selepas menimbang representasi itu Ketua Pengarah berpuas hati bahawa lesen itu patut dibatalkan, dia hendaklah menyampaikan kepada orang itu notis pembatalan lesen.

8. *Fasal 7* bertujuan untuk memasukkan seksyen baru 17A ke dalam Akta 64 untuk mengadakan peruntukan bagi pengeluaran invois dengan menggunakan komputer.

9. *Fasal 8* bertujuan untuk meminda subseksyen 23(1) Akta 64 supaya mana-mana surcaj yang terakru di bawah Akta 64 boleh didapati sebagai hutang sivil yang terhutang kepada Kerajaan. *Fasal 8* juga bertujuan untuk memasukkan subseksyen baru 23(3) ke dalam Akta 64 bagi memperuntukkan bahawa penalti

atau surcaj yang dikenakan di bawah Akta 64 tidak akan tertakluk kepada tempoh had masa satu tahun dari larikh kausa tindakan terakru.

Fasal ini juga bertujuan untuk memasukkan subseksyen baru (4) dan (5) ke dalam seksyen 23. Subseksyen baru (4) memperkatakan amaun cukai jualan yang boleh didapatkan daripada seseorang orang kena cukai yang telah mengeluarkan suatu invoice. Subseksyen baru (5) membolehkan Ketua Pengarah mendapatkan cukai jualan daripada orang yang telah mengeluarkan invoice yang mengenakan suatu amaun yang berupa sebagai cukai jualan.

10. *Fasal 9* bertujuan untuk meminda perenggan 24(b) Akta 64 untuk menambah kadar penalti yang kena dibayar daripada dua peratus kepada sepuluh peratus.

11. *Fasal 10* bertujuan untuk meminda seksyen 26 Akta 64 untuk menjadikan pengarah syarikat, pekongsi firma atau anggota persatuan orang, bersama dengan syarikat, firma atau persatuan orang yang bertanggung membayar penalti atau surcaj, bertanggung secara bersesama dan berasingan bagi penalti atau surcaj itu.

12. *Fasal 11* bertujuan untuk memasukkan seksyen baru 27A ke dalam Akta 64 untuk membolehkan apa-apa cukai jualan, penalti, surcaj atau wang lain yang kena dibayar di bawah Akta 64 didapatkan daripada mana-mana orang yang dipercayai akan meninggalkan Persekutuan sebelum membayar apa-apa cukai jualan, penalti, surcaj atau wang lain yang kena dibayar olehnya.

13. *Fasal 12* bertujuan untuk meminda subseksyen 28(1) Akta 64 untuk memperuntukkan bahawajika mana-mana surcaj genap masanya dan kena dibayar oleh seseorang orang kena cukai, Ketua Pengarah boleh dengan notis bertulis menghendaki mana-mana orang yang berhutang wang dengan orang kena cukai itu membayar wang itu kepada Ketua Pengarah.

14. *Fasal 13* bertujuan untuk meminda subseksyen 30(1) Akta 64 untuk mengadakan peruntukan bagi mendapatkan penalti yang tidak dibayar, terkurang dibayar atau tersilap dipulangkan balik. *Fasal* ini juga bertujuan untuk meminda subseksyen 30(1B) Akta 64 untuk mengadakan peruntukan bagi pengenaan surcaj jika mana-mana satu daripada bayaran ansuran yang dibenarkan di bawah seksyen ini tidak dibayar apabila genap masanya.

15. *Fasal 14* bertujuan untuk memasukkan seksyen baru 31B ke dalam Akta 64 untuk membenarkan seseorang pengilang berlesen memotong cukai jualan daripada amaun yang kena dibayar dalam sesuatu penyata cukai yang baginya nota kredit telah dikeluarkan bagi barang-barang kena cukai yang dikembalikan oleh pembeli atau diskaun kemudiannya diberikan kepada pembeli.

16. *Fasal 15* bertujuan untuk meminda seksyen 32 Akta 64 untuk memberi Ketua Pengarah kuasa untuk menolak permohonan bagi pemulangan balik cukai jualan atau penalti yang terlebih dibayar atau tersilap dibayar atas alasan bahawa pemulangan balik itu akan dengan tidak adil mengayakan pihak yang menuntut.

17. *Fasal 16* bertujuan untuk memasukkan dua subseksyen baru, iaitu subseksyen (2A) dan (2B), ke dalam seksyen 36 Akta 64 untuk memberi mana-mana pegawai kanan cukai jualan hak untuk diberi akses kepada apa-apa maklumat berekod atau data berkomputer, sama ada disimpan dalam komputer atau selainnya, dan untuk memeriksa dan meneliti pengendalian mana-mana komputer yang digunakan atau telah digunakan berkaitan dengan maklumat atau data itu.

18. *Fasal 17* bertujuan untuk meminda perenggan 43(a) Akta 64 yang memperuntukkan bahawa mana-mana orang yang tidak mematuhi atau enggan mematuhi seksyen 12A atau seksyen 17A adalah melakukan suatu kesalahan. *Fasal* ini juga bertujuan untuk memasukkan perenggan baru (*ea*) ke dalam seksyen 43 yang memperuntukkan bahawa pelanggaran subseksyen 63A(2) Akta 64 adalah suatu kesalahan.

19. *Fasal 18* bertujuan untuk memasukkan seksyen baru 43A ke dalam Akta 64 yang memperuntukkan bahawa mana-mana orang yang menolong mana-mana orang lain lari cukai jualan adalah melakukan suatu kesalahan.

20. *Fasal 19* bertujuan untuk meminda seksyen 44 Akta 64 untuk memperuntukkan bahawa mana-mana orang yang membantu, menyubahati, menolong, mengapiakan atau mendorong mana-mana orang lain untuk membuat suatu kesalahan di bawah seksyen 43 adalah melakukan suatu kesalahan.

21. *Fasal 20* bertujuan untuk meminda subseksyen 57(1) Akta 64 untuk menambah amaun maksimum yang boleh diterima bagi pengkompaunan kesalahan daripada satu ribu ringgit kepada lima ribu ringgit.

22. *Fasal 21* bertujuan untuk memasukkan seksyen baru 59A ke dalam Akta 64 untuk memberi mahkamah kuasa untuk memerintahkan mana-mana orang yang didapati bersalah atas suatu kesalahan di bawah seksyen 43 atau 43A membayar kepada Ketua Pengarah amaun apa-apa cukai jualan yang genap masanya dan kena dibayar, atau apa-apa penalti yang kena dibayar di bawah Akta 64.

23. *Fasal 22* bertujuan untuk meminda seksyen 61 Akta 64 untuk memberi Menteri kuasa untuk membuat peraturan-peraturan berkenaan dengan pengeluaran invois dengan menggunakan komputer dan nota kredit.

24. *Fasal 23* bertujuan untuk meminda seksyen 62 Akta 64 untuk mengadakan peruntukan tentang penyampaian notis, arahan atau dokumen lain kepada syarikat, firma dan persatuan orang, selain orang perseorangan.

25. *Fasal 25* bertujuan untuk memasukkan seksyen baru 63A ke dalam Akta 64. Seksyen itu memperuntukkan bahawa selain orang yang dinyatakan dalam seksyen 63, tiada seorang pun boleh menjalankan urusan bagi pihak seseorang orang kena cukai kecuali dalam perkara-perkara yang berhubungan dengan pembayaran balik, peremitan, pengecualian atau apa-apa perkara lain yang diluluskan oleh Ketua Pengarah. *Fasal* ini juga menyenaraikan syarat tertentu yang perlu dipenuhi oleh seseorang yang menjalankan urusan bagi pihak orang kena cukai.

26. *Fasal 26* bertujuan untuk meminda seksyen 69 Akta 64 bagi memperuntukkan bahawa seseorang penyelesaian hutang piutang sesuatu syarikat melakukan suatu kesalahan jika dia tidak mengetepikan dan membayar cukai jualan yang kena dibayar oleh syarikat itu.

27. *Fasal 27* bertujuan untuk meminda seksyen 70 Akta 64 bagi memperuntukkan bahawa penerima seseorang pengilang berlesen melakukan suatu kesalahan jika dia tidak mengetepikan dan membayar cukai jualan yang kena dibayar oleh pengilang berlesen itu.

28. Pindaan lain yang tidak disebut secara khusus adalah pindaan kecil atau berbangkit sahaja.

IMPLIKASI KEWANGAN

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan.

[PN(U²)1947]